

# Referimet e Fletëstudimit për mbledhjen «Jeta dhe shërbimi»

## 21-27 DHJETOR

THESARE NGA FJALA E PERËNDISË | LEVI-TIKU 14-15

**«Ndotja nuk ka vend në adhurimin e pastër»**

**(Levitiku 15:31)** Kështu mbajini izraelitët larg papastërtisë, që të mos vdesin në papastërtinë e tyre duke ndotur tabernakullin tim, i cili gjendet mes tyre.

**it-1 1133**

**Vend i shenjtë**

**2. Tenda e takimit** dhe më vonë *tempulli*. E gjithë struktura, përfshirë oborrin e tabernakullit dhe oborret e tempullit, ishin vend i shenjtë. (Eks 38:24; 2Kr 29:5; Ve 21:28) Ndër gjërat kryesore në oborr ishin altari i flijimeve dhe legeni prej bakri, të cilët ishin të shenjtë. Vetëm ata që ishin ceremonialisht të pastër mund të hynin në oborrin e tabernakullit. Po njësoj, askush nuk mund të hynte në oborret e tempullit nëse ishte i papastër. Për shembull, një grua nuk mund të prekte asgjë të shenjtë ose të hynte në vendin e shenjtë për sa kohë ishte e papastër. (Le 12:2-4) Me sa duket, nëse izraelitët ishin të papastër për një kohë të gjatë, edhe tabernakulli konsiderohej i papastër. (Le 15:31) Ata që paraqitnin flijime për t'u pastruar nga lebra, mund t'i sillnin deri te hyrja e tendës së takimit. (Le 14:11) Asnjë njeri i papastër nuk mund të hante nga flijimi në bashkësi në tabernakull ose në tempull, përndryshe dënohej me vdekje. —Le 7:20, 21.